

متعلقة

متعلقة بكل الحبال الداييه

ليه متعلقة

ولصوص بتسرق

في الحواري الضيقة

وكلاب بتنهش

جوه عضمك

ياطيبة ياخنية

يامزوقة توبك بورد النيل

يامجففة دمع الحزين

ومطيبة جرح العليل

ليه لما اعوزك

تلوي بوزك
وتداري وشك عني ليه
مع اني لو حببت أبوسك
واحضن ترا بك بالتقيه
زي الذهب
في الأصل غالي
والغالي دايمًا تموتوا فيه
يا حلوة ياللي بتمسحي
عرقك في توب الشقيانين
آن الآوان
يالله افتحي
حضنك لكل العاشقين
المغرمين المحرومين
من حضنك الدافي الأمين

مين غيري ممكن يخدمك
ويشيل ترابك فوق دماغه
ويرسمك على صدره زهره
مفتحه ومنوره
مين غيري مين
مين غيري ممكن يتحملك
لو يجوع يتحملك
أوغاب يومين
يرجع بسرعة يحملك
لو في الشتا نزل المطر
راح تلقيه
رافض يدور ع الدفا
لا بد في حضن الأرضفة
مين غيري مين

مين غيري ممكن يفوت
أهله وناسه وعزوته
او يوم يموت
بإشارة منك حتلاقيه
يجري يدافع ع الحدود
يامصر عدي المستحيل
مين غاوي يالاه
يقسمك ويخرشمك
مين غاوي
كل ماتمشي خطوة يرجعك
ميت ألف ميل